



佔畢齋

共八

~ 16  
2368  
3





和  
2368  
卷 8-3



佔畢齋集卷之八



游頭流紀行

先坦庵

門掩藤蘿雲半扃  
雲根直直直水泠泠  
高僧結夏還飛錫  
只有林間猿鶴驚

議論臺

兩箇胡僧袖半肩  
岩間指點小林禪  
斜陽獨立三盤石  
滿袖天風我欲仙

宿古坦庵

病骨欲支撐暫借蒲團宿  
松濤沸明月悞擬遊句



曲浮雲復何意半夜閉岩谷唯將正直心倘得山  
靈錄

中秋天王峯不見月

抽身簿領陟崔嵬剛被良辰造物猜霧漲寰區八  
紘海風掀岩嶽萬槌雷勝遊天柱知難縮清夢瓊  
臺未擬回時有頑雲暫成罅誰能取月滿懷來  
香積庵無僧已二載

携手扣雲關塵蹤污蕙蘭澗泉猶在覓香燼尚堆  
盤倚杖秋光冷捫岩海宇寬殷勤報猿鶴容我再  
登攀

宿香積夜半聞霽

飄然笙鶴瞥雲聲千仞岡頭秋月明應有道人車  
轉鐵笛更邀回老訪蓬瀛

再登天王峯

五嶽鎮中原東岱衆所宗豈知渤澥外乃有頭流  
雄崑崙萬萬古地軸東西通幹維掣首尾想像造  
化功繫我之仙骨塵埃久飄蓬塵絲古舍速茲山  
在雷封省斂馬川曲時序秋正中試携二三子翫  
月天王峯捫蘿恣登頓足力寄短筇山靈似戲劇  
霧雨魚鱗風齊心且默禱庶盪芥滯曾今朝勿清



霽神其諒吾衰遂忘再陟勞絕頂窺鴻濛浩浩俯  
積蘇如脫天地籠群山萬里朝眼底尖窮崇北望  
白玉京滅沒南飛鴻溟海即咫尺際天磨青銅赤  
蠶與隔夷雲水和朦朧遠瞻若迷方近挹忻竒逢  
蒼虬舞素壁赤羽佞晴空萬壑水奔流逶迤抱玉  
虹十洲隱積皴指頽面之同諸峯恣醞藉有似兒  
孫從般若欲爭長紫蓋於祝融懷哉青鶴洞千載  
秘仙蹤長嘯下危磴如將值青童颺榜起輕霧返  
照明丹楓雖負端正月真源今已窮倏陰而倏晴  
厚意牋天公累繭不足恤信宿青蓮宮明朝謝煙

霞繩墨還恣恣

中峯望海中諸島

前島庚庚後立立蒼茫天水相接連似有雲帆疾  
於鳥古來說得乘槎仙倘與負嶠更何處巨鰲不  
動應酣眠寄書紫鳳問舊侶我今亦在方丈巔

靈神菴

箭筈車箱散策回老禪方丈石門開明朝更踏紅  
塵路頃頃山都沽酒來  
青鶴仙人何處棲獨騎青鶴恣東西白雲滿洞松  
板合多少遊人到自迷



千載一人韓錄事丹崖碧嶺幾遨遊滿朝卿相甘  
奴虜妻子相携共白頭  
雙溪寺裏憶孤雲時事紛紛不可聞東海故來還  
浪跡祇緣野鶴在鷄群

下山吟

杖藜纔下山澄潭忽蘸客纔碣濯我纓瀏瀏風生  
腋平生覽山水今日了納履顧語會心人胡為赴  
形役

朴錄事由孝饋西水荒即進納尚州

珠宮波浪幾時開探得驪龍乘刃回異味豈宜烱

火腹遙憑計吏貢蓬萊

春塘饋楸實有詩次韵

疑川西畔撫蓮楸詩興難禁落子秋今日滿槃堆  
皸殼故園畝思若東流

送大虛還蔚珍曹倬

我昔廿三娶君姊明年君始陳孤矢當時手撫千  
里駒只今已作天下士從遊天嶺月環紉定省更  
欲窮羽陵簿書偏側吾老矣看君直向道山登  
我試與子凌青壁不辭胼胝恣捫歷鐵鎖遙攀石  
扇開忽覺蒼蒼天一握魯山毫芒何足籌緲緲瀛



海繞容舟所處益高見益大持以贈子寬離憂

學士樓池上躑躅盡開

閑搜老物小園中徙倚幽欄曲沼東千柄芙蓉俱  
已倒兩株躑躅忽能紅似從黃菊爭時令可怕青  
姨弄化工聞說神京更融煖桃梨櫻杏爭春風

時漢陽桃李梨杏凡花卉皆盛開繁麗若  
春人摘青下食之

次繼中

沙汀驛吏也頗能走筆

看渠襟韻儘澄清每把幽吟撥不平莫擬戴盆生  
帳里誰知填海在精誠濫溪曉色鳧鷖閑方丈秋  
光草樹明屠釣猶堪忘歲月閑愁無奈鬢星星

重陽文廟落成仍送貞甫如京

古郡如今廟貌臧慶成佳節屬重陽一聲過一鴈西  
風外千里征人北斗傍短髮蕭蕭烏帽側寒花燁  
燁瘦擗香匙朝定被交遊問絃誦無聞玷玉堂

奉安使晉山君歌謠

頭流美姜太史也太史晉山人捧世祖  
睿宗實錄藏之星山遂遊故國父老歌焉

峻極頭流吾邦所瞻爰有磐舟竹箭松栢維南有  
海鯨鵬涵淹物產之秀淑氣所霑

公吾邦人實稟海嶽首物鍾美為世先覺道德之



崇夫誰敢敵文章緒餘亦自追琢

皇矣我王祗勤繼述公在于朝王擬丞弼汗

簡灑噩亦載其筆人具有言班馬與匹

兩朝編錄堯典禹謨金匱石室藏副台都三命

如綸公疾其驅曰既竣事公噬于于

公今來思邦人悅喜悅喜伊何星鳳咸視維海維

嶽德色亦爾毋我戰遺公車須祝

贈羅月軒明上人

堂前蘿月白紛紛鶴唳猿聲取次聞勘破三三時

出定更將清料吊孤雲

吾友仰川止止堂談師貌類骨彌強如今更接清  
詩讀林下幽蘭剩自芳

天嶺病夫頭欲雪仰山大士眼勝藍他年許入紅

流洞頂遺螺音出翠嵐上人常依一海螺山林或

知上人之至目為螺僧云

奉和金觀察使雲峯所寄韻

經幄三年幾責難湖南今庇屋千間若為故國移

旌節後學人人仰泰山

樊籠每恨奮飛難霽月光風夢想間忽覩郇公雲

五朵應隨一騎過荒山



又呈金都事首孫

南堂聞說不辭難今佐棠陰嶺海間咫尺阿英阻  
清話征輶况過萬重山

和高靈府院君代尹晉陽子滌

細木備椳闌小草入炮煎用材亦如是唯以充官  
聯周公勞吐握海內得安眠當時百執事豈殊衡  
下懸相公三代遺門前桃李稠幾年領縉紳未遂  
逍遙遊籠儲為醫國洩勃靡不求鑽龜構大厦何  
嘗用道謀岩穴皆奮厲擔簦應鵠頭頗聞朝野頌  
斷斷復休休不然曠天工誰謂憂君憂遠敵與辰

告煥乎百世規願惟駕鈍資早受青雲知小大不  
中用奚勤拂拭為無益倚膏沐或自矜南威造化  
似委曲偶爾諒非私腰間綬若若風俗未轉移瘠  
民康厚俸面多發慙時終為鑑識累負德實在茲  
雄篇荷獎勸和氣排冬曦庶作座右銘履行甚坦  
夷門墻但遼邈曷慰悠悠思

奉和仁山府院君晉州東軒韻

仁山以三道堤堰巡察使到晉州上遣內  
官李存併觀察使坡平君尹弼商賜宴又  
各毛衣一領鹿皮靴一部仁山與坡平以



十月二十三日拜箋謝 恩仍次東軒韵  
以記其事仁山命宗直亦和

鳳啣丹詔至北極  
龍光新我 聖天同德惟公嶽  
降神驩虞千里達  
幽隱一方伸自是  
鴻遵渚端能 慰遠人

又宴鳳鳴樓走筆次叔上韵

大毒高牙駐海湄  
江山是處轉雄奇  
衣冠禮讓真 三代龍席遺  
逢此一時日 薄漁樵  
故巷早夜深燈 火下樓  
遲相公醉德留華韵  
頰被佳人鳳管吹

答善山教授鄭美中

湖山百里絕追胥  
愧我離鄉不定居  
太守温仁君 慎重遙知不  
嘆食無餘

聞仲兄與俞克已遊長水寺

聞說携朋長水寺  
暫時清賞謝氛埃  
虹橋泪已吟 同度金地深  
步步幾回病客自能違  
夙尚寒猿應 亦識高才蓋  
溪日繞孤臺下早晚詩  
瓢遠泛來

答善源

攬鏡悲華髮  
省雲嘆白衣  
環滁山與水  
病守自忘機

臘宴老人是日有風雪 初九日



臘日樽飈不覺寒四村鳩杖共排班初筵秩秩粗  
為禮既醉喧喧競自歡朔雪亂霏浮蟻杓仙花佞  
觀凍梨顏殷勤為霈皇恩澤留與他年作畫看

答尹生負孝諧

曾是賢關歷衆英遭時况復泰階平早辭冀闕雲  
間紫終戀神山海青把酒幾尋文杏館看花頻  
到富春城窮鄉病守烹雙鯉始識丘園亦世情

尹惠鯉魚

挽崔判書

善文同年崔漢公漢侯漢伯漢蕃之父

五福於人備却難公無一欠性情寬靈椿拔地枝

方旺神劍衝星氣倏殘編簡謾教評宿德鄉閭無  
復奉清歡鄙夫豈是雷同哭為忝當時子姪看

十二月二十五日宿山陰夜甚寒

臘底宿房陰尖風抵隙侵今冬此寒苦永夜客懷  
深火盡重添炭屏穿屢搭衾陽春何日布慘刻較  
人心時縣人訴縣監鄭蘭秀下監司凡二十二事  
余以推劾未宿

上元日謁仲容兄於安陰與安陰明府及李  
進士祿崇都訓導永昌俞克己韓百源飲醉  
還夜將二鼓雪月交輝過瀘溪有作時都韓  
三人後還



天地中間不動塵  
嫦娥滕六最精神  
緩騎白鳳肝  
腸吟過孤臺共四人  
醉罷鴛原鷄欲棲清光  
上下屬吾儕  
非關興盡仍  
回棹莫把濫溪比剡溪

病中三首

數日屏虞芮誰憐  
影弔形耳邊聞蕭蕭  
眼底覺熒熒  
醫以庸拋藥見因懶  
廢經乾坤生意滿  
不恨鬢髮零

山城民事稱謏才  
况復清癡世共哈  
畫戟未驅貧使去  
陽春又帶病俱來  
半窓明暗身全仆  
古史興

三眼忽開瓦隴雪  
消簷溜直便思扶  
僊探溪梅

時久病吏告公私凍已竭又病隙闕唐志  
罷勦黃巢等亂故笈三句六句及之

積日支羸甚西窓  
坐學趺雪餘萱欲動  
城晚樹堪圖眩眼  
慚毛穎行年直計都  
東臯檢民事儻得藥  
工夫

正月日大雪余以久病不出  
克已在東軒看梅與竹仍有小詩次韵

姚魏風流聞淺深  
居然寧耐雪霜侵  
年來坐值梅花瘦  
不是逋仙不解心

東軒旧有牧册過客多題  
詠予到官牧册已枯更植  
梅一本



新火新年已取榆雪華猶自壓墻隅釣簾為語瀟  
湘犬不獨人矐君更矐

克己以梅數萼來贈兼有此詩次韻

多病神觀不覺低花今訝我亦含悽人家竹裏應  
璀璨準擬籃輿東復西

皴冰絨麝立東風寓世真能不自工逢着病夫還  
嫵媚與君今好却非公

以日本硯贈克己有謝詩次韻

雕鑄玉骨妙欵毫海舶年年索價高色似馬肝能  
潑墨滑勝龍尾恐飛濤嗟呀謾擬三錢直提拂還

蒙一字廢此物於君真耐久登壇須與振風騷

硯四隅刻栗樹其根墀及栗葉與楔極工  
余新買於熊川齋浦

善源看余頭流錄寄以詩因言明年告休還

鄉須携我再遊以副宿願次韻却寄

萼谷花峯壯海陸此間不可欠君詩山靈暗許非  
生客為問明年故未故

萼谷花峯李仁老狀此山  
之語

仲容兄詠落梅一首自云復詠學士樓前新

柳自午至晡未得一聯不覺發憤欲輟餐卓

用其韻吟呈

臨池濯濯自知時免被在人浪折枝唯有嬌春情



緒在憑風縹出萬金絲

觀察使鄭孝常歌謠

龍肅美方伯鷄林君也君以納言之長受節  
鉞巡宣于嶺南能盡糾舉師帥之職焉

聖人在上必有賢弼從龍從肅千載同轍豈弟君  
子實降于嶽

申伯柔惠山甫明哲夙夜匪懈以補衮闕豈弟君  
子三事為則

堯有四岳周有方伯漢二千石是今憂責豈弟君  
子王之攸擢

開嶺繚兮滄海闊兮辰韓舊壤阜民物兮豈弟君

子勤崇爰兮

奸蠹祛矣雀鼠息矣勻勻原隰時雨洽矣豈弟君

子民胥活矣

龔卓朴只廉來劇只薰猶韶漢庶昭晰只豈弟君

子肯憚勤只

考績幽明昔人所慎民之肥瘠開節為譽豈弟君

子毋詒悔吝

我衣斯廢我珮斯長我音斯好以天道傍豈弟君

子容我斐狂



龍席八章章六句

送克已遊馬川

探討溪潭入洞天  
眉頭先已惹雲烟  
芒屨竹杖尋前約  
水穴風巖似去年  
歲月不饒句  
漏令笙簫空想武夷仙  
煩君問訊山中叟  
有幾追胥苦索錢

代林密陽壽昌次頌相

西北停雲謁謁浮  
不堪回首上岑樓  
何時得再窺東閣尺  
紐要章我欲休

梁山澄心軒下泛舟呈上廉

剝水綠鱗鱗江湖興  
轉新斷崖堪蠟屐  
落日且垂

綸折竹礙黃帽  
跳魚開白蘋  
莫嫌無粉黛  
官道有行人

幽賞須臨水  
高樓未析醒  
柳邊撐畫艇  
竹下響音紋  
枰群吏叅鷗鷺  
遙燈替月星  
更深仍信棹  
巾履露華清

李錄事順之以櫻桃竹笋為餉

千顆朱櫻四簞龍  
人言饒守剝  
吳儂清名雖愧投  
錢飲猶免臙葷  
點污膏

奉和高靈申相公  
相公詩為親  
屈小邑雞肋試牛刀  
地僻無多事  
頭流入眼高



深慙雕篆手學製把鈆刀日夜瞻霄漢唯知北斗高

食白櫻桃

甫里詩中但識名傾籃此日眼初驚一團甘露含  
消處肯信葡萄有水晶  
陸龜蒙詩曉日靚採千騎  
女白櫻桃下紫綸巾

晉州舉子都會試日牧使有詩次韵

白袍今日正逢場欲及槐黃意更長得失莫將容  
易議濯纓濯足在滄浪

試罷又次

泂牒相逢醉一場雙清堂上笛聲長今朝已袖雌

黃寺好向湖山作漫浪

又與永叔

誰言宦路積薪場二十年来覺味長烟雨菁川圖  
畫裏不妨詩酒共耶浪

和槐院諸公

三載三刁夢清遊阻鷺班五雲高處望愁殺賦囚  
山

李錄事又以李實為餉

甘鮮真是吾家果手把題封箇箇看病裏飽嘗嘉  
慶味更教豈雅繞水盤



允了作鍾子期聽伯牙琴圖題其上

老樹清風月送雲  
兩人襟韻在桐君  
旦知古調隨絃絕  
一闕峨眉聞不聞

允了又作咸陽郡地圖題其上九絕

於榆地接下韓墟  
襟帶中間星散居  
莫恨廣輪無百里  
微抖有暇及詩書

玉簪羅帶筆頭生  
野老遙看却道名  
太守蒼顏無白髮  
西谿宜看醉翁亭

神功聖德史班班  
瑰觀縷難容  
頰石間要向雲峯觀  
戰地長途一線繞荒山

去年塵土汚岩巒  
望嶽樓中更覩顏  
却恐英雄無處

重潭洞門窄與白雲關

蘆溪西岸路縈回  
黃石奇峯駭馬來  
日暮花林風雨橫  
斷雲飛過大孤臺

窮寇當年接短兵  
將軍腥血漬鞶纓  
郵人爭說前朝事  
指點青山一片城

激激清瀾郭外音  
獨吟騷句爽煩襟  
有時拄杖攔畝鶴  
落日霜飛大館林

塚上青青連理枝  
行人為唱華山畿  
如今月白孤狸嘯  
應是春魂化蝶飛



神魚巖刺滿瀛川見說來從小有天太守饒巡流  
不盡秋菘春韭度年年

估異齋集卷之九

次三嘉觀水樓韻贈鄭使君

畫橋揚柳萬條烟樓下真能得月先遊子青衫無  
白板賴夫西陌與東阡觀瀾更覺香襟爽問俗堪  
書乳保賢自是官居勝彭澤一杯須待菊花天

南原君送與玉堂修史錄賤姓名亦載焉

又其序乃顧叟所作顧叟已矣欣採之餘

翻成悲惋吟得二絕錄似國華及彥升

只說先朝寶典成豈知仙籙亦吾名簿書最裏時  
時閱寔莫人譏看帽錫



妙齡藉藉桂林魁鯨海人推八斗才天上玉樓應  
記罷颺輪空為世間回

晉州茅亭次淡叟

菴簷頰幽靜疑是野人居  
潦縮汀洲吐秋深搗袖  
踈嘈嘈絃上古激激甕頭  
蛆勝地仍清賞真堪老  
仲舒

晉州牧淡叟壽大夫人於丹溪八月十八日

一曲丹溪闌絲連年年閭里慶長生祥迎初度挑  
應熟節過中秋月更明舞罷紫袍輝玉筮笑餘錦  
恍拂綈屏病夫却作籠中鳥恨未升堂拜壽星

新行圖淡叟請賦

新梢嫩葉籜龍孫百尺琅玕挺石根  
要者批風魚抹月隈岩宜著此君軒

中秋夜與克已世隆百源翫月望頭流

去年此日頭流山頑雲遮萬爛銀盤  
滿足飲來志不憚夢成履窮嶺坑人  
膏睛景實解迤遠微勝友要團園清  
商門裏正如畫金背蝦蟆林下看  
伴去華燭羅杯觴絡緯悲嘶零露溥  
浮雲點綴旋辟易百里豪末觀能  
燂頭流亦似愁舊恨入眼縹緲  
攬雲端永印天玉可指數酒邊  
醞藉供清歡當時



足跡布岩嶂後日濫巾良獨難終宵長嘯對銀闕  
雨腋將若生風翰

和彦升

君今飛下道家山白石清泉興欲闌應笑遨頭飾  
邊幅秋丁却戴進賢冠

高人清疾卧林扃想像當年匿殿楹鼎俎如今空

染指若為携手返承明右二首君托疾不赴釋奠  
兼以福余錄以相肉

誰掃頭流一幅圖新詩贏得味雲腴奚童須為勤

收拾珠唾霏霏落玉壺右贈以頭流山圖及唾壺

捨論此日謾言飛彭澤禁中已具微牛不服箱箕

不數虛名還愧徹宸闈右君賀余得旨將赴陞

詠紫微花

千枝刻作玉瓏鬆東閣西樓爛熳紅憶昔草綸花

下醉寂寒池館又秋風

九日雨中渡茂溪時與星州判官黃震孫

同為監試試官赴大丘黃先在花園

郵亭猶碧樹節序且重陽雨敗農夫獲泥妨舉子

忙驚鷗帆背白寒菊馬頭黃思與驛通判陶然醉

一鶴

扑訓導寬仁作改過詩來示第一二句云我



是邪淫冒亂人一朝迂善是天真余喜甚次  
韵以答

名教中間有此人豈因弱喪竟迷真如今琴瑟和  
鳴後委巷窮村總是春

送空上人住持寶蓮寺

忙裏挑包靜裏禪空師去住只隨緣暫携一錫辭  
天嶺自衛三乘八寶蓮草坐霜風侵白氎行石  
瀨瀧青纏殘城病守難為別誰恠韓公愛太顛

栢

頭流山北水雲鄉自有家家七絕堂千戶候封

香等八獲珍味覺備長技頭虬卵經霜脆盤裏牛  
心照座光乾腊由來能致遠紛紛抱布往來商

以熊神橘二十枚寄善源

知我山城况味凉海翁分與洞逴香臘前難覓梅  
花信只把金丸寄遠方

填殿直村居時殿直以北都祭奉如京

送客聊憑擺寂寨林泉不是苦相招路盤峭壁入  
雙去水咽響碕雪半消菜曹烏能辭組紱鄰翁却  
與付漁樵行厨只有勝茶酒且對前山勸一瓢

元日寄子真昆季

曹佺曹伸



梅柳欺殘雪陽春滿海隅遙知定省後團坐共呼  
盧

和一菴詩軸高靈達城韵代方伯鷄林君

惟底方袍爛熳遊脫來禪縛路悠悠浮杯淚水三  
千里飛錫辰韓七十州海藏幾年窮際崇鷄園何  
處度春秋吾今抖擻塵中趣要與商量不點頭  
心無住著去留輕肯憚東西信脚行拖子林中挑  
拄杖梅花嶺外逐流萍供身衣鉢唯清淨滿袖篇  
童畫老成持此諸方恭禮遍何人解道大僧生  
自笑空疎象所哈熊車久已役筋骸鬢邊歲月欺

人過物外雲烟滿眼堆白足機鋒那可觸青蛾歌  
舞漸成猜談餘剩得長安信更喜朞期鼎鼎來  
野柳江梅又一春梳包曾是定中人時時得句攢  
眉久處處看山卸笠頻明月白雲聊自悅黃花翠  
竹本非真嶺南無此彌天秀誰與招招日暮津

又

鞞香笠重逖逖遊嶺微風烟道里悠愧我二年持  
玉節逢師一夜說皇州塵埃汨汨難開口蒲柳蕭  
蕭自望秋早晚三生石上語共尋圓澤白雲頭  
野雲情性本來輕西塞南樞取次行萬里溪山長



在眼一身孰錫正如萍浪函已是將心悟天女何  
妨與目成去住豈能關世事只堪呼醉鞠先生  
俗態紛紛不備哈吾師真箇外形骸袖中忽得風  
騷句眼底還迷錦繡堆南商烟花多潑濺故山猿  
鶴定嫌猜何當三朵蓮峯下竹杖芒鞋共往來  
節鉞來遊已再春空漸無術慰南人烟霞嶺上遙  
僧少歌吹樓中送客頻遊迨心源還寂冥後容標  
致更清真別來何處松窓底獨坐晴晨自噉津

春幡子呈彥升正月初十日

金臺曾忝賀王春一朶官花照鬢新四載山城空

意關絲幡依舊伴孤臣

克已應舉于京方在道二月初三日疾雷  
且雷僕以為余已卯之祥也已卯正月余  
隨舉子自密陽向尚州宿靈山一門驛明  
日將驚蟄忽大雷電是春余乃得第克已  
亦必如之矣書以志之

雷公電母傲春寒却恐天機不自完百蠻未驚先  
歸歸也應前夜起泥蟠

二月日有雨促世隆植檜于文廟世隆郡  
人故用桑梓事兼勉學子云



吾聞龜蒙傍三檜蔭闕里先聖餘手澤蒼翠自千  
禩文教被海隅崇祀無遐通天嶺實古郡廟貌幾  
成毀營構雖重新岡阜兀若難宜培舊宅樹用資  
戶這灸頭流衆崖谷檜栽真柳比擔致數十本庶  
徧垣墉裏頌及毛空雨分付青衿子封植勿鹵莽  
聊以當桑梓數年遂其性凌雲勢未已香風襲俎  
豆綠陰映階祀不惟稱闕官鳳儀猶可竒甘棠尚  
勿剪况茲風化始

謝悅禪師惠藥及墨二首

名學悅與信眉學祖有寵於世祖今年

正月悅來住本郡金臺寺

坐甯東風病輒先刀圭今自散花天德雲豈要言  
坐坐斜得山中遇地仙藥有金鳳丹至空丹蘇合

驚奔玄霜玉不如明窓應寫貝多書如今輟贈知  
師意曾為光陵草庵疏余在論苑奉教草光陵

和鄭敬差永通臺石樓所寄二首

寫咏聊同尹晉州子滌白梅盧橘况銷愁更携縹  
紗人遊賞妍唱應將玉斝酬

遮眼頭流面面高箬籠何異鑲山胡寂寂短韵繞  
投寄知我詩非一世豪



悼木見 木見庚寅五月生於京師己五  
歲今年二月二十八日以斑疹死其生時  
歲月日皆值木星故以名云

忽醉息愛去何忙五歲生涯石火光 慈母喚孫  
妻喚子此時天地極茫茫

木見草殯于城西席卜里將瘞于金山米  
谷村其外祖母李氏之塋傍以詩送之

百年酸痛退之腸汝有何辜代我歿誰謂才名將  
直學益知醫卜竟荒唐掌珠皎皎今故土雜語琅  
琅尚在堂好向外家安體魄速會山水是他鄉

三月初二日夜念殤兒假寐夢遊京師入  
一官府後園有茅亭見崔寧城恒成判書  
任岸憤坐巨牀上余拜之判書展半幅白  
礪紙命余作詩且誦一詩曰君之此詩大  
好大好詩中有戊寅年字余不記憶但唯  
唯寧城微笑而已余濡墨書一句于紙曰  
楚騷長詠慶春酒共斟時方欲續之忽寤  
推枕驚嘆以為奇遇遂足成云

楚騷長詠慶春酒共斟時縱是雲泥隔真同旦暮  
期夢中交莫逆閑裏話為奇異日岩廊下知客宿







餘日所得詩百餘篇

昇菴卷九

九

東臨滄海近瀛洲萬二千峯縹氣浮  
福地知為天下勝騷人緬作雨中遊  
岩竒木老皆供詠學幻言

厖亦見收他日金臺清晝永君談  
叔坦我頭流

金剛山下雨中遊白石入雲山無頭更宿  
山京夢泉寺松風半夜聲颼颼此趙司成  
庸詩也

落落金昆與法雲秋風推子出塵氛  
既非刊木謝靈運誰識寫真宗  
少交五夜縱觀滄海日洞天如  
值大茅君一編行錄高聲讀快勝  
平生素所聞聞鄭敬差在善山用前  
韵以寄

隼旗子子駐三州遙隔風標却自愁  
幾向月波亭

上飲好將春色遠相酬

雲鎖蓬萊五色高  
清明應罷激寒胡金華法後言  
今遠誰數當時四豪

新病起忽得相公二幅詩凡十八首皆前  
韵也神志疲爾未克仰膏雖欲廣之懼人  
以僕尚勝也姑以短篇謝罪真恕其不及  
云

相君詩思含韶護相君筆障風霆驚眼高  
鯨海空浮萍肯數沈沈蟲魚註天嶺病  
六聲酸嘶磨驢踏



跡難神奇不須詒我益智縑石頭一片捲降旗

答金郭二秀才

史弼承筆

窮荒何幸過斯人珠貝携來爛熳陳好去更尋韓  
吏部愧余衰朽未傾囷

看君詩語玉生烟陳榻後今不要懸莫把殷盤窮  
詰屈須知方寸淡天淵

答烏臺諸公

謬玷風霜地跳丸已十年如今落窮僻清夢想神  
仙

居昌朴使君瑞男惠尊

塵編空想季鷹賢夢裏江湖興渺然誰導蛾林非  
澤國開紙珎童嚼龍涎

熊神禹使君賢孫來言齊浦僉使吳公瑩

新製樓船以接日本使者僕以為九物有  
待而成以詩奉寄僉使左右

南金大貝耀荒陬烏榜紅舷擁碧油壯節方持楊  
僕賦仙風復想李膺舟月明烟浦搏鵬翼日射雲  
空簇蜃樓早晚山城投筆去蘭橈錦纜訪滄州

和仲容兄點風臺韵

杏壇佳興向來新臺上時時墊角巾水氣侵膚涼



起泉林光搖酒綠生鱗微官自喜交游淡長嘯誰  
知樂意真應笑領原懷五斗簿書最裏未抽身

送鹽娘

鹽娘永嘉人余昔在對山幕府召

致之自後不能相捨今年春得疾伏枕已  
數月其證轉篤固求還其家理治若死則  
得痊故出茲亦人情之功者許之

密護衣篝且十年傷春其柰久沉綿柔情未必如  
柅葉宿債終須別樂天興禮笙歌真跌宕永嘉羅  
綺謾蟬聯我今未訣三山約恐被朝雲笑粲然

和善源却寄

山林誰導世相違黃卷中間足是非懶向督郵傾  
秫酒抱琴時復弄將飲

抱開擊析莫予違知子如今悟昨非  
水鷗盟終不忘杜鵑何事苦催故

龍遊潭和大虛

俯瞰狂瀾仰絕壁危途詰曲不盈尺我每班春試  
其險不獨羊腸能折軸礪中顛倒萬石竇穴雕  
鏤誰究得欲刊蒼蘚灑墨痕恠語未許追責潭兀  
然坐嘯想玄功彷彿釘釘無壘尊神龍勸汝一杯  
酒胡乃酣眠愁地主斯民在翰及布縷所望於龍



只雷雨離、百谷未頽粟穢故恐致天翁怒往年  
響應不可忘肯將甬頭煩水府層崖野立風冷  
歎霍若有神靈聽

次國華韵

修娉已負十年初斗大孤城樂有餘無事祇從犀  
首飲忘懷不予子公書風翻菰米村、熟靈潔烏  
標樹之疎欲趁清秋動故揖故鄉山澤可耕漁  
君詩纒、過黃初笑我徒勞結課餘西旅久欲三  
味講南荒誰借一執書管中窺豹風神隘孰裏生  
塵世味疎安得相邀臨碧海似聞溫水不堪漁

七月初九日僑居故生負李楨家

孤城愁戴井中天文筆峯前地自偏太守無家宜  
賃屋清瀆有水不投錢高枝鵲墮穿林毛毳微雨蝸  
濡上壁涎笑殺南原黃相國田園寥落草如烟

故相南原府院君黃守身晚節頗營產業  
娶李楨華女為繼室其田園未幾而卒

答台甫

人被純綿我荷氈只堪追配飲中仙何當把酒金  
陵月一斗看君詩百篇

謾向江頭把釣竿誰知腹裏養明玕不須種竹求







偶到招提境頭流列畫屏西風語鈴鐸南斗宿蒼  
楹靜愛篝燈吐幽閣石瀨鳴塵勞斲休暇聊此笑  
吾生

馬川村中記所見

時煇康伯珍兄弟與都訓導卞進士等遊智異山

獨女攢空石劔青龍潭馬上眼還明散仙久渴三  
清耗莫惜絨封付兩甥

遊人猿鶴共成群智異山頭無片雲霧雨憶曾生  
懊恨今朝毫末細堪分

嶼峒居民拾稗田遨頭無計說豐年滿山橡栗高  
千尺惟見黃熊樹樹懸道傍橡樹皆有熊巢

效淵明問克己克己時在昇安寺熏浴理疾  
聞君入射陰寺在第幾峯雲烟定相媚猿鶴誰能  
從得非採三秀聊復絃松風蘭湯日百沸幽憂攻  
未攻

贈古澗僧

求名逐利兩紛紛緇俗而今未易分頂陔頭流景  
高頂世間塵土不饒君

茶園二首并叙

上供茶不產本郡每歲賦之於民民持價  
買諸全羅道率米一斗得茶一合余初到



郡知其弊不責諸民而官自求丐以納焉  
嘗閱三國史見新羅時得茶種於唐命壽  
智異山云云噫郡在此山之下豈無羅時  
遺種也每遇父老訪之果得數叢於嚴川  
寺北竹林中余喜甚令建園其地傍近皆  
民田買之償以官田繞數年而頗蕃敷遍  
于園內若待四五年可充上供之額遂賦  
二詩  
欲奉靈苗壽聖君新羅遺種久無聞如今擷得頭  
流下且喜吾民寬一分

竹外荒園數畝坡紫英烏嘴幾時誇但令民瘵心  
頭肉不要籠加粟粒芽

答克已時以纒之服告暇杜門

平生憂患早編排何事宵襟撥不開昨夜故園黃  
耳信江梅緘寄玉音來昨日蒼頭來問知手植梅  
潘溪坐閱四炎涼恩愛今年在割腸自斷此生故  
去好惟嫌不作水曹郎趨韵耳豈敢自謂之詩人  
竹枕雲峯金訓導安成所贈

織作綾紋合挽風此君高節况繡縫青奴夜夜含  
冤導一體雖分命不同



善源請告到郾川還京期迫聞余有子服惠  
然來弔為留二日而去別後有作

綺陌當年惜解携夢魂幾度共分題窮愁我是孟  
東野麗澤君為陳北溪握手清談腸火熄閉門兀  
坐鬢蓬任郾川百里今應到僮僕鞵穿馬蹠蹄

九月二十三日別 慈闈於山陰還咸陽

換鵝亭前日西瘦楓葉蕭蕭故騎迷一年憂患更  
離別回首皇山烟霧低皇山左山陰三嘉境上

十月初一日再呈辭狀還金山農舍方伯不  
受促使就職初九日度消馬峴有雪

繁雲吹不駁朝日旭還吞天欲行初雪人胡別故  
園松低時拂帽鴉噪競投村千載柴桑子清風未  
擬論

奉和晉山相公

犖确坡頭響馬蹄嚴川鷗鷺不驚啼欲陪杖屨尋  
詩興脩竹人家東復西

宵中星斗動寒芒林下今開綠野堂半日更叨亢  
禮客故來村市月荒荒

宦路那堪更問津紛紛識面與呈身青雲學士色  
荒量知己何曾望別人



晉山君再用前韵見寄復和

曾叩金門金裏蹄會稽今日不能啼忽得新詩歌  
大雅悔前宗派覓江西

此身於世一毫芒何況音塵隔北堂未敢籃輿問  
前路祗緣山斗滯南荒

頭流深谷絕關津忽在岩廊玉立身自是鴻飛偶  
遵渚清風猶得感鄉人

晉山三用前韵見寄復和

已分駑駘躡四蹄凶年猶得免妻啼角巾何處堪  
乘興故國城南與竹西

危途觸處蔓垂芒欲把琴堂作草堂怕有笑人陶  
靖節十年三徑未鋤荒

廟堂今日幾平津畜德如公自潤身餘事更無詩  
跌宕少陵不獨語驚人

擬從俞扁養餘齡不喜茶經喜酒經暖胃關心差  
可取門冬真箇勝青精相公按本草酸知天麥兩  
門冬採取曝乾之法因寄

以別韵

晉山四用前韵各二首復和并叙

來詩韵窮思渴若欲黽勉非譽盛德則悼  
身窮也如磨驢之踏跡竟莫神奇宗直待



罪天嶺四年于茲備諳田家之事故戲為  
農語仰瀆鈞

嚴不勝隕越

村南村北祝犍蹄榆柳陰陰烏鵲啼身遇大平生  
事足日斜扶醉斷橋西

籬落東風麥擢芒秋來秫酒聚茅堂莫言長吏差  
科急今歲殊非去歲荒

種麥秋田牛脫蹄故來絡緯正悲啼夜深妻子談  
收穫殘月依依梧樹西

窓下孤燈爛吐芒寒梭軋軋響空堂誰知貧婦機

中帛辨作豪家花月荒

隴畝雖非要路津也能康濟自家身兒孫滿眼充  
丁口却笑桃源寂寞人

首肩樵斧截烟津乘月故來露滿身更喚小童收  
犢子豈知儂是畫中人

總角兒孫八九齡燈前能誦養牛經有人若問桑  
麻事替却翁翁說到精

曾識丹爐可駐齡亦知牛角有橫經野人食力無  
餘慕何況朝家更厲精

晉山君錄解空語為頭流詩一篇見寄其



意觀僕頭流錄欲緇蹤以遊也僕一遊之  
後不復再登每以為恨故用安期之語以  
誌余過且為後日之約云

自我遊頭流清夢空相續足武不拜布愛山誰謂  
篤虛名耻南箕厚味忘腊毒緬懷紫陽翁擢歌凌  
九曲三休亦奇士肥遯王官谷鬱鬱羅網中焉能  
騁遐矚每瞻天王峯如被三薰浴簿書旋打圍杯  
酒競談俗勞力且勞心何由試餐玉有愧古人言  
人苦不知足晦宵倚壁睡安期忽忠告方丈在咫尺  
靈草長搖綠晃蕩朱明洞自古無昏旭飛仙不

可數巾帔常聯屬子欲從之遊羽翼奚借鵠人寰  
苦福側心緒風中蠹一酌青岑醴煩襟庶濯沃真  
源自澹澹豈比朝晝拮于嗟世上人其誰能窒慾  
荆棘植寸田長鑣難得斲我言若有契勉旃追芳  
躅倏然形神開稽首甘奴僕班行十餘年和嶠真  
刺促地頑恐却穴天高敢不跼平生無長物只消  
書一束而今佩郡章又喜燃官燭神仙吾所慕雞  
兼熊魚欲非惟畏箇露亦恐北嶺辱名宦雖卑微  
猶勝司馬督頭流日在望來者胡不勗

晉山復用前韻見寄次韵



鳳髓不可得，斷絃誰復續。我思古之人，眷眷老愈篤。平生愁肝腎，文字乃鴆毒。每將巴俚吟，擬和咸池曲。寒乞笑閬仙，雄奇慕山谷。矢言極冥搜，細大無遺矚。雖微曾點狂，頗懷沂水浴。願惟襪線材，安能動鶩俗。雕琢欠餘功，燕石非璞玉。幸於金馬門，竊續貂不足。屢叨宣室對，竟慚宗祝告。回首天際雲，頻夢故山綠。一麾守荒城，茲予意所屬。時登方丈巔，快者扶桑旭。俄聞異人至，言者兩黃鵠。磬折趨下風，詩律森旗纛。靈忽覺爽如，挹天漿沃大篇。自奔軼短章，亦脫枯小巫。棄神氣聊以洗塵慾。

千歲枸杞根，便欲和雲斲。鎖仰肯辭勞，撫已增躑躅。古人既得攀，豈忍為騶僕。前途尚格阻，但覺日月促。雖免路歧泣，羈思更拳跼。竊改實所耻，肯恨高閣束。况今東海隅，明良調玉燭。山南與水北，何地不遂欲。况公大雅詩，永忘泥塗辱。追修宗派圖，寧待旁人督。墨卿敢司戒，餘年當自勗。

昨日擎出梅枝，夜半酒醒就燈玩之。雖知非真，猶可彷彿其典刑。吟得二絕句奉呈，正值陽升井底時。燈前揩眼探梅枝，後教臯觀無。芳麝雪辦金鬚也自奇。



碧眼胡僧真善幻也能粧點竹籬疎晴窓集几空  
相對意在驕黃牝牡餘

奉和晉山君至日韻二首

蹉跎人事若臨淵北望呼嵩又一年屈指吾身幾  
冬至隨班昔日共臚傳黃鍾纔動大音靜丹筆方  
持生意全梅放柳舒春稍稍醉來隱約聽鈞天  
自幸專城奉北堂年年小至更稱觴平反一笑民  
皆喜滌瀝餘珍衆得嘗此日分張愧徐積他時溫  
清證黃香相公錫類詩多感不覺凝川路渺茫

和兼善韻與士廉

君罹憂患且觀生見說三义水更清愧我未能辭  
組紱白人鬢髮是浮名

軟良百里頌聲喧父老猶思趙日溫却憶去年觀  
政化月明扶醉宿西軒

世上踈慵誰似我鑿坡學士早知心數年不寄梅  
花信今在蓬山第幾岑

兼善詩附

雙碧樓西春水生澄心軒外竹風清重臨古  
郡多遺愛贏得南州第一名

十年鞍馬走塵喧意氣唯君與李溫南北邇



未知我少月明時復靜憑軒  
去歲相逢不如意今年相憶倍傷心夢魂  
不被溪山碍飛度梁山最上岑

和晉山君

前日寵示回文之作凝川往返五百餘里  
苟非沉醉時必三復諷誦今採薪初起僭  
用蘇氏舊意作成婦詞奉獻左右

中閨繡暈小窓明黛蹙長眉柳染青紅葉落時書  
斷絕碧雲愁影月虧盈  
公啟曷月秋風冷塞外傳書無弟兄窮巷夜窓寒

織錦圖旋轉鴈多情

和四佳齋韻奉獻晉山君

南村北村雪鋪氈欲盡不盡猶舊年魏闕尋常子  
牟憲宅居彷彿揚雄屋世情冷暖滔滔是德宇包  
容盍盍然數幅溪藤滑且膩要者醉墨為雲烟  
南來事業幾虧成久矣金門聽六莖落果無心歌  
燕燕拔毛利世笑猩猩快尋酒席能招乘愁向詩  
壇屢乞盟從此田園有幽興畏途猶冀不冥行

陪晉山君宿花長寺

偷閑陪杖屨携乃被宿鴛宮虎嘯一林雪僧鳴半夜鐘



泉清供茗飲松偃掃塵蹤惆悵名途客烟霞興易  
濃

立春日以生菜呈姜僉正龜孫十二月二十  
日也

首簿細菜綠茸茸春意從今正不窮却恐老蘇生  
悵望兼牙如出市廛中

密陽林府使壽昌詩卷和四佳齋韵二首

府使曾為興德縣監

昔年製錦海西頭今日雄藩望更優也識長拋靈  
運履不妨清嘯庾公樓羊羔冑借豪華利桑麥欣

聞父老謳我有剡溪三畝宅頌詩端欲托名流  
曾向南宮共採蓮如今顏鬢各蒼然腰間漢秩二  
千石橐裏唐音三百篇太史陽秋宜有贊同年門  
戶更蒙憐春來倘遂優遊計乞與觀潮斷隴邊

末語犯塵黷幸恕

除夜擁衾熟睡既覺頭鷄欲鳴於庚甲午  
余之厄年也今已為乙未新歲矣欣然有

作

譙樓鍾鼓五更前浙送人間甲午年喚起夢魂疑  
累盡安排詩句覺神全細斟藥玉嘗春酒新炷銀



缸變臘烟只恨菜衣空在篋灰堆喧笑憶凝川

時母氏還密陽

次韵尹淡叟

淡叟在丹溪壽其母夫人以詩招余不果赴是正月十一日也

萱闈此日破忡忡玉笋浮蛆一舉空遙想丹溪歡  
笑處梅腮柳眼媚東風

枉向花山抱有忡舞衫歌扇已成空令人羞殺蒼  
川牧羅綺當年立下風淡叟有妓與鍾娘俱花山人鍾娘前年病亡故云

室人自金山還正月初十日

君為完山鳥哭子猶未休我學東門氏稍忘前歲  
憂夜闌秉燭語半是營生謀人事且如何百世真

悠悠

江相公忠孝非殊致君親豈異岐  
風雲闊河遠地按歲月移駸難不足道勉  
勉策良規此相公詩也

思許專城養年来免泣歧何曾拖竹使行擬及瓜  
時魏闕長懸仰鍾英更勒移詩清象獎拂持以勉

風規

次韵林川金使君清二首

連驥為府憶當時湖海相逢未有期為問嘉林何  
處是情懷都在一篇詩

無能空自戀清詩一落南荒已五期折得梅花仍



笑傲後今不記灞橋時

咸陽城羅閣凡二百四十三間每間三戶  
共葺覆之以草歲為風雨所壞小民雖在  
農月必牛載蒿草及材以修之歷世因循  
民甚困焉乙未二月余謀諸父老更以田  
十結為葺一間幾配十戶易其腐材且令  
覆以瓦一戶繕出瓦十許張而足未五日  
而訖功民初訝更張之猝迫既成則俱懽然  
稱羨遂書此以示之

二百四十餘間架風雨年年補葺頗時然方虞勤

千室力均猶冀及三春斧斤斲斲收聲早尾縫鱗  
鱗轉眼新十載田原穩耕稼渠能知我不因循

寒食後日遊西碛次大虛

白髮蒼顏戀物華前驅已向隴邊過鳴鳩似識遊  
頭意穀林間助醉哦

寒食後日與克己大虛遊西碛和克己

為愛西碛好遊春忘却回病夫唯泥酒才子只尋  
梅寒食花如錦新畬麥欲肥機心銷已盡鷓鴣忽  
飛來

雲峯金訓導送示袈裟魚一尾



達空寺下水按花紫鬣斑鱗味更嘉珍重廣文嘗  
不得却來天嶺病夫家

奉次晉山君京洛所寄

曾上龍門每醉故清樽  
警效尚依備城南別墅多  
冠蓋猶憶花長白板扉

花長山即晉山君之別業在本郡南二十里

和克己及康甥安國寺浴後之作

巨耐枯腸夜夜鳴  
山中花卉競春晴  
已將蘭蕙紉為佩  
不借醍醐醉易醒  
戢戢筠籠看鱉腳  
颯颯石鉤聽松聲  
風光故去無多日  
愧我方為簿領繁  
贈無比師與克己同賦

師年七十有五與吾黨金大猷申挺之共  
登頭流宿天王峯脚力甚壯挺之等亦不  
及焉余以禱雨方齋于嚴川寺比來請詩  
書此以贈

老臘近八十兩脚趁飛鴻  
頭流最高頂俯瞰扶桑  
紅却笑少年子喘如吹竹筒  
長嘯擺綠蘿忽拉方  
瞳翁秘訣共商畧  
嘗還冰雪容

禱雨聖母廟故途遇雨四月初七日

甘霖淋漓已濕衣  
却疑神母擅陰機  
村村笑語還羞殺  
太守今朝得雨故



仰山明上人送木瓢來人云得之萬德社冬  
栢樹

山茶斷得千年癭知是師從萬德回  
羅月堂前巖溜漲却來塵土伴樽罍  
山茶俗号冬栢

監司尹壕歌謠二首并引

宸闈錫命疇庸糾述之材方面分憂益勵澄清之  
志先聲所暨公論攸故恭惟云云器識絕人謨猷  
經世今符劇府把牛刀以割鷄決策賢科搜錦心  
而吐鳳遂擢居於圻父俄密贊於樞庭衆咸期八  
座之登詔驟畀南區之寄大慰雲霓之望原隰交

歡詆揚鈇鉞之威貪憚競懼真能動搖於山岳豈  
但採輯於風謠行膺袞冕之褒即正鉞衡之位某  
等膠庠賤品韋布微蹤屬觀輜軒之臨敢效輿人  
之頌詞曰

鈴平華胄儘英賢衮々真成尺五天  
威晚摠歆忘勢位儒林爭喜得神仙  
鴈嚙瑞草來江介鳧翥祥風下日邊  
守宰伐柯柯不遠我公遺愛在凝川  
大賢事業豈雷同三輔佳聲達四聰  
卿月忽陞金掌上使星還照火維中  
江山靄靄黃梅雨旌節搖搖苦棟風  
須為諸生揚木鐸莫教前史羨文翁



苦雨二首 五月

往者禱甘霖玉母歆必芬既雨又禱晴神將厭紛  
紛墉祭雖自酌屏翳不我聞安得倚天鈞若然劉  
頑雲

嘗聞雲北故必值雷車奔如今向南維旋得雨翻  
盆陰晴反其常老農亦難言惜哉無羽翼何術天門

緇中饋李

南州溽暑伴眠魔忽得瓊漿滅齒牙仍憶春風花  
發處知渠長醉玉皇家

閔克已行次龍仁馬死入京寓善源舍借騎

龍仁古之龍駒縣本朝合龍駒及處仁為一仍改寫

龍駒縣裏尖龍駒莫恨飛騰平壯圖夕直朝銜能  
借乘主人元是聖人徒

齊雲樓快晴六月十六日

雨脚看看取次收輕雷猶自殷高樓雲啟洞穴簾  
旌暮風颭池塘枕葦秋菡萏香中蛙閣閣鷺鷥影  
外稻油油憑欄更向頭流望千丈峯巒湧玉蚪



佔異齋集卷之十一

聞 聖上親耕籍田

且為采盛且勉農天田見說畝南東九推已共臣  
鄰了三酌還將保介同漢道興隆由帝籍周家仁  
厚在豳風千齡獲覩先王政嘉與遺黎樂歲豐

賀琴判官晚得副室子次金觀察使永瀾

天上石麟兒如何抱送遲祥徵今倏應符彩晚方  
竒著論須期後承家正在斯鳳城餘慶遠宜和熾  
昌詩

梨與魚饋下訓導訓道有詩次韵



回首頭流一握天清都旬始墮吾前玉皇香案雲  
重隔露染梨腮又一乍

水落魚梁滿目秋空餘明月照扁舟投竿東海非  
吾志只在凝川蘆荻洲

重九約十伯玉登高伯玉如花林未還用許  
學長韻

青衫烏帽白岩陽墻底秋華五見黃已放蜂衙人  
不到重傾秋酒味尤芳題糕剩覺詩情勝投轄誰  
防醉客亡今日寂寥天所賦手接青盞覆空觴  
重九齊雲樓遙見東山頂野人登臨飲酒三

薄暮或坐或立或扶携下山或偃卧枕藉望  
之如畫忻然復和許學長韻

華譙徙倚正斜陽奮眼青山半染黃無數野人登  
紫翠幾多糗餌鬪芬芳已教烏沒蟾還緇未始凡  
存楚更亡病守望來成雅興歲雖下熟可啣觴

九月霜重葉脫尤覺掃實之繁邑人云十年  
以來無今歲之比

一夜霜晴錦葉枯燃雲樹抄更模糊粧成百室誇  
豪富剥盡千林卷畫圖可但賓筵供豆實從教逋  
戶代田租山村今歲兒童樂大勝龍陽養木奴



畢齋卷十一  
二  
次許學長

男兒憂道不憂貧，休把酸辛費受辛。  
樂道方成快活士，安貧始作自由身。  
林間伏臘唯耽酒，紙上功名却付人。  
谷口子真三徑詔，芳規贏得後來伸。

和克己饋西菽韵兼叙昨日林下之歡九月二十五日也

此物真能上應天，中包萬顆外圓旋。  
木心乾象垂周易，近取諸身頭亦然。  
絳雪玄霜爨齒時，想應根自十洲移。  
酒醒不噉更咀嚼，風味誰知能療飢。

大館林中招麴生，深秋草樹甫青熒。  
何必娛君絲與竹，楓能瑟瑟澗泠泠。  
綠尊猶是重陽酒，泛泛黃花祝君壽。  
世間萬事旋消磨，林下清風堪授受。

宿金臺寺寺曾為高僧行宇所住  
天寒木落石房秋，薄領餘閑只暫偷。  
話裏八還聊聽磬，睡中三昧且優游。  
禪僧若伴雲霞老，物論誰為芥鎖謀。  
今古名場一丘貉，曉來開戶看頭流。

馬川記所見

鳴騶入馬川，賓從亦備然。  
陰聲凍將合，陽崖楓尚



鮮禪房繞十笏鄰號想千年逕滑幽蘭被峯危恠  
石懸雪蔽神母廟雷吼蟄龍淵曲岸遺柴椽叢祠  
胃紙錢斷材發有梯燒炭谷生烟僖父刈蕎麥小  
姑叔木綿問農仍慰藉叱馭且洄公差再老期近  
茲遊應眷憐

義香村

老翁積稻過茅簷黃犢蹠田叱小男削得烏裸驅  
溪石紅光橫逗斷橋南上入剝柿曝其皮於溪石

遊龍遊潭夕還時潭上石凹處有水余足跌

山腰雲氣山頭雪卷盡溪邊迷失脚空巖曝襪窺

蜿蜒淡淡窪樽可酬酢出入蒙密穿崎嶇却過巖  
川紅日落黃昏月下打稍聲遊人已去居人樂

德峯寺與仲容兄克已伯玉同賦

水石自縈帶禪扉塵思醒雪華蒙嶽頂栢黛透窓  
榼未有僧燒佛唯應庸聽經棲鴉迫故騎故故愧  
山靈

德峯寺下溪水清激傍有石嵯峨上有數  
松四人列坐其下俄而調鷹人捕兩雉來  
仲容兄教以生哨復酌數瓢日已昏矣

金地寒飈中酒出嵌岩落日割鮮還一年一度每



如此誰謂遨頭不得閑

開寧鄭著作榮親宴走筆

軒軒鄭著作來作二親榮桂影侵樽酒萱花耀府  
庭鄉閭父詔子樂部鼓和笙幸忝葭孳屬歡心不  
要醒

用大虛韻寄無善無善時在咸昌

鄉人爭看玉堂仙際會今方叶半千款款忠言搖  
豹帳冬月宣政殿經霏霏醉墨落雲牋直廬昔日  
同捫虱江水何人伴釣鱖却恨官箴猶有繫襟期  
空想角弓篇

空梁不見府丞魚睡枕頻燃太乙藜休日花前宜  
痛飲衙時續尾謾勞題雪融挂殿啟期近波滂瀛  
洲望眼迷幸是故園山水窟雙眉愁向鷺班低

執李氏夫人

夫人故別侍郭孟孫妻乃我妻  
母之兄也無子育我長女守殯

夫人有士行所恨處逆境廿載稱未亡治家充肅  
整子夫婦又醮子然形吊影六族悉收撫何曾煩  
造請鳴鳩惠甚均令儀喧鄉井謂我妹女婿視與  
諸姪等殷勤及弱息摩卹衣煖冷永懷平生恩奚  
啻田五頃唐刊弘基病給諸子田凄風吹卹水忽  
迫桑榆景佳城即瀟灑松檟頗幽屏繫官阻挽絆



唯有淚涸涸

和陶淵明述酒并序

余少讀述酒殊不省其義及見和陶詩湯東澗註疏然後知為零陵之哀詩也嗚呼非湯公劉裕篡弒之罪淵明忠憤之志幾乎隱矣其好為瘞詞者其意以為裕方唱擬于時不能以容吾力吾但潔其身耳不可顯之於言語自招赤族之禍也今余則不然生於千載之下何畏於裕哉故畢露裕凶逆以附湯公註疏之末後世亂臣賊

子覽余詩而知懼則竊比春秋之一筆云

鼎鑄猶有耳人胡不自聞君臣殊尊卑乾坤位彼  
今奸名斯不軌赤族無來雲當時馬南渡神州餘  
丘墳天心尚未厭有若日丹晨慶仲首作孽王敦  
子非人馴蠶蠶金蚕遺臭夫數兇戕厥身桓溫四象  
者何功天報諒殺勲婉婉安與恭乃是劉氏君蒼  
天謂可欺高挹堯舜薰受禪卒反賊史氏巧其文  
諛以四靈應宗岱且祠依偽命雖能造世亂當紛  
紛好還理則然幼也幾天親述酒多隱辭彭澤無  
比倫



與朴三嘉訪表少游時盛冬暖甚記所見  
言邀嘉樹宰來訪玉堂人過澗窠神窠開樽臘味  
新蟬蟬爭弄日楊柳已搖春只見頭流頂撓天刺  
玉塵

黃堂元日吏民禮罷設酌亦伯玉

袍笏庭中森作列雲霞海上爛生輝使君五日為  
京兆須向黃堂盡醉飲

郡吏區男自京捧官教來以十考陞通訓  
特旨拜知承文院事

龍鍾四十六身始著紅袍燦燦腰間荔星星兩鬢

毛豈闡憂福過鸞序覺飛高片善吾無有還慚十  
考褒

和仲容兄韵戲大虛大虛所賜者名雲英

上元宮裏掌書仙不要纏頭錦數千忽遇玉皇香  
案吏玄霜擎倚綠雲邊

柳通貧宅和大虛

脩竹蒼波又暝烟醉眸還在折鴻邊如今幸忝潘  
楊好不怕頻傾藥玉船

大虛遇赦以詩為賀

大虛設翰林宴為憲府  
所勅落職流金山丙申

二月有旨  
還給告身

是齊卷十一

二



花軌故事為君累嶺外溪山笑語清聞說玉皇消息到春風應得馬蹄輕

密陽林府使

壽昌

到開寧謁外祖墓有小雨

離孫車騎耀松楸贏得清風動一州薄暮原頭春雨細障泥沾濕不須愁

赤登樓和太虛

淅淅春江上風吹亂碧漣綠揚烟并惹黃犢草羊綿故國將寒食貧居只薄田脩門還在望空詠白雲篇

因雨留增若亦太虛驛樹多鶯巢

客中愁霧雨猶喜濕年華馬埒菜芽吐鷺巢雲影斜鈴屨不禁睡蕭散却思茶一似閑行李微吟到夕鴉

二月二十四日夜大雷電時因留滯併日而

食樓宿岑埃沃川守所饋酒亦渴

增若驛中三日雨戊戌夜半一聲雷不辭衣服冠而坐其奈飢寒渴併來宿交胚胎真足慰羈鴻雷濕亦堪哀明朝馬上看桃杏想勝三郎羯鼓催

和太虛

宦意年未薄似紗北故何事更携家君今不作池



中物雷雨應教露角牙

復用前韵時聞勅使戶部郎中祁順行人司  
左司副張瑾到國將還

淹滯郵亭已三日厭聞羸馬吼腸雷誰教屏翳連  
明怒更怕豐隆挾勢來飛曾謾懷王令快聽鷄肯  
學祖生哀吾行要及天三使夢被鳴珂陌上催

用大虛韵贈內墻下牧丹新蕊

寶花顛倒鬢邊紗草草相携著處家三日一雲留  
古驛小軒同看牧丹芽

和大虛

金陵高卧落梅村將嫁如今返國門路上平安須  
繾綣緘憑鄉使報家尊

二月二十六日既渡荆角津坐沙渚前判官  
鄭而元亦坐而待舟忽有野鷺盤飛水上若  
然投水攫鰕魚落于渚鄭之奴疾走得之鄭  
遺我焉遂登樓炙食之有作

道傍挑菜食如飢瘦骨峻嶒祗自竒天為行厨清  
不溽故教鷺鳥作漁師

安城東軒詠萬年松次韻

非杉非栢只松心樓下寒籠半畝陰春晚忽飄花



淡淡冬嚴不損葉森森虬枝自動教誰貌孔蓋將  
騫侑我吟鈿雕欄終有分知渠免被斧斤侵  
考誠成均館有作示蕪善時中使賡宣醞而

至

山城六載寄危蹤豈料掄材入類宮  
栴棘重重看白戰聯茵屬屬飲黃封  
遮除亂撲千人卷寇杏齊開一夜風  
應有孤鴻在寥廓可能無恙網羅中

白戰借用徒手而戰之意

送金叅校自貞奉使對馬島

面奉綸音出九重龍驤萬斛駕長風  
波濤日上蜃

初散島嶼及開春正濃聖主恩威覃絕域  
征夫夢寐逐飛鴻嗟余碌碌何為者飽食  
唯堪作冶傭誦詩專對君能事何況飛鴉  
懷好音持被寧為三省語懸弧早有四方  
心風未船艣應回棹地盡琉球競獻琛他  
日盍簪雙闕下病夫不負酒杯深

次韵德峯空上人仍謝靈龜日影臺

德峯峯下抗雲高栢影榕陰蒲戶遮蒼苔  
夕聞無別臭茯苓閑斲制頽岭應誇扁  
跣泉仍列遥憶龍光竹更青忽符司南  
代圭表不勞昏夜占中星

代祖謙次蕪善祖謙時如永安道



中臺清且峻，鷄樹結層陰。遲日文書靜，薰風林葉薰。  
深溪容運斗，古密勿奉綸。音獨有東征，客飄然江  
海心。

和兼善韻寄祖謙

時祖謙自永安道到江陵  
覲省其弟未辭醉中索筆

書之

迢迢荒徼外，幾許費光陰。車馬關河阻，風烟嶺嶠  
深。庭闈應戲綵，岳牧是知音。幸值鵠原去，因之達  
我心。

戲和尚衣院鄭正永通二首

海棠脉脉媚新晴，鵲雀交交弄別聲。此是尚方探

句處，玄花掩萼亦風情。

地禁未曾同吉夢，犀通應亦尅佳期。繡床日午花  
陰轉，笑看春蕊捧玉卮。針線廳多焉人

五月初二日與金善源俞克已曹大虛申次  
韶康錫遊楊花蚕頭峯是日欲雨不雨而有  
陰風

城西十里楊花渡，却恐機心未捫鷗。雨意欲成雲  
淡淡，風聲方緊水油油。崗頭枕藉鷄將午，詩裡光  
陰夢又秋。半日偷閑猶足樂，况持身世付滄洲。

楊花渡和善源



把酒西湖上吟詩日抵年天涯窮度鳥林抄認炊  
烟地擬逢壺境人慄李郭仙曉來濃抹處西子未  
為妍

楊花渡醉後又賦

潮生石如馬潮落草茸茸帆影鴈與遠日脚霞無  
紅皎皎人遺佩亭亭鶴立於長嘴望海口萬里來  
天風

和蕪善用簡齋韵

少壯逐微祿不踏李下徑意氣得石友共喜貧非  
病但慚濁水泥虛受清溝映金門昔一別潦倒殊

動靜誰謂鳳池深亦能對名勝何當值休休聞我  
浴生詠

送趙吉城順道之任

五管熙熙息狗偷何妨緩帶作遨頭久欽虎旅詩  
書將新赴龍荒保障州鐵嶺天風清暑霧銀溪梅  
雨濕征騎昔年諶誤今昭雪須使遺黎鈞買牛

健元陵典祀廳示善源

鼉鼓籠銅開慶寺石羊剝落健元陵一方明月齋  
廬靜千尺蒼藤霽景澄歌舞承恩無伎女敲推問  
字有胡僧市朝擾擾山僧寐吟把松醪忘不勝



道庵詩卷次韻

寧馨雄猛孰能前行亦為禪坐亦禪龍象雉林叅  
道妙春秋一衲滌塵緣淵明逸韻君眉展佛印高  
談我病痊到處相逢須領畧從渠人世自憂煎

送僧敬敏還五臺山山在江陵

九街風雨興塵埃捲却襟關返五臺忽憶海崖苑  
竹長應知林下鐵蓮開孤蹤子子雲相逐清梵依  
依鶴不猜想得夜牀鞋脚別何人料理踏蒼苔

鐵蓮用山中故事在三國遺事



